





Документте

**М.Х.Хакуловну Къабарты-Малкъар Республиканы Сыйлы грамотасы бла сауғалауно юсюнден Къабарты-Малкъар Республиканы Башчысыны УКАЗЫ**

Конституция законлукну кючлендириуге уллу кыйын салганы эмда кеп жылланы ахшы ишлегени ючюн **Хакулов Мурат Хасанбичи** - Къабарты-Малкъар Республиканы Конституция сюдюно председателини орунбасарын - Къабарты-Малкъар Республиканы Сыйлы грамотасы бла сауғаларга.

Къабарты-Малкъар Республиканы Башчысы **Ю. КОКОВ**  
Нальчик шахар, 2014 жылда 16-чы декабрьде, № 252-УГ

**М.Г.Жилевге «Къабарты-Малкъар Республиканы Сыйлы къурулушчусу» деген ат атауно юсюнден Къабарты-Малкъар Республиканы Башчысыны УКАЗЫ**

Къурулушун айнытыуга уллу кыйын салганы эмда кеп жылланы ахшы ишлегени ючюн **Жилев Михаил Гамлович** - чекленген жууаллыгы болган «Мигам» обществону генеральный директоруна - «Къабарты-Малкъар Республиканы сыйлы къурулушчусу» деген ат атарга.

Къабарты-Малкъар Республиканы Башчысы **Ю. КОКОВ**  
Нальчик шахар, 2014 жылда 18-чы декабрьде, № 254-УГ

**Владимир Путинни журналистле бла тубешуо терен магъаналыгы**

Ахыры. Аллы 1-чи бетдеди.

Москваны оюнуларын а Президент медицинага жангы амалла кийире туруп эмда автомобильери болганла бла халланы къураганда халкыны оюнуна бегирек тынгыларга чакъырғанды. Ол дагыда право нызамны сакълаучу органлага, башча чиновниклеге да аладан кыйсы болса да, капиталланы амнистиясына чырмау этсе, «бек кыаты мадарла этиликдиле» деп эсертгенди. Министрлени Кабинетини членлеринден биринден а - спортну министри Виталий Муткодан - Путин «синг аууп къалмасын» деп тилегенди да, сора: «Президентни Сочиде жылны узунуна ишлерик сабий ара къуаргъа, анда жалаңда спорт жанчы бла угъай, музыка эм илму жанчы бла да фахмулу сабийлени жияргъа планы болганын ол алыкъа билмейди», - дегенди.

Владимир Владимирович, хар замандача, кеп чам, масхара, лакъырда этгенди. Сёз ючюн, аны Россейде дворцелде болмагъанларыны, Михаил Ходорковский президент къуллукъга сугъанаклыкъ этген къыралда Кремль бек иги къоруланганыны юсюнден айтханын залдагыла жаратып кюлгенди. Ол россейли олимпиадачылары жетишилерины юслеринден айтханда, аграрийлени кеп тирлик алгъанлары бла алгышлагъанда, Киев этген оюнулары сёкгенде да журналистле къарс ургъандыла.

Президент энчи жашаууно юсюнден айтър деб а киши сакъламай эди. Сёз ючюн, ол иш хакъы къаллай бир болганын билмегенине жендиргенди. Ходорковскийни кечгенине сокъуранмагъанына ийналдырырга юрешгенди. Бютюнда алгынны юй бийчеси Людмила Александровна бла шубёк болганлай къалганыны, аны бла байламлыкъ жюрютгенини, шёндю ю жашауунда сыймеклик болганыны юсюнден айтър деп да киши сунмагъанды. «Тапды хар затты да», - дегенди ол, энчи жашаууно юсюнден соругъа жууап бере.

Къырал Башчы Россейни

энтта да айыу бла тенгешдиргенди, аны ашы «гагула эмда бал» болуп къалмаз ючюн, къолундан келгенни аязмазга, андан «бодуркы этдирмезге» неда «анга сынжыр салдырмазга» сёз бергенди. Россейде оппозицияны юсюнден соругъа жууаплай, ол, литератураны бла тарыхны иги билгенин хайырланып, айтхылыкъ поэтни, «жигит офицерни бла оппозиционерни» - Михаил Лермонтовну - назмуларын юлгоюге келтиргенди.

Пресс-конференция ючюнчю сагъатха киришгенде, къатылыкъ жумушагъанды, къырал Башчыны бла журналистлени алаңы Вяткадан коллегалары къуандыргъанды. Ол тюрк басманы корреспондентине сёз берилип тургъанлай, аны орунуна секирип туруп, ол жашагъан шахарда чыгъарылган квасны, аны сатар амал болмагъаныны юсюнден айтър башлагъанды. Аны сёлешгенине, кесин бир тюрлю жюрютгенине да къарап, Путин журналист ол квасдан иги да тартып келген сунганды.

Къырал Башчы, башча замандача, бир-бир соруулага жууап этуноу кесини пресс-секретарына да ышанганды, алай сорулукъла берликени ю кеси сайлагъанды. Ол заманда басма органланы келечилерини тюрсюню плакатлары, шарфлары, уллу харфла бла этилген жазуулары, жумушакъ иллулары, планшетникле окъуна бек жарагъандыла.

Пресс-конференцияга багъа биче, Песков ол, саулай алып айтханда, даууруз, сабырлыкъ, басымлыкъ халда ётгенин эсертгенди. Журналистле бла бу жолгъу тубешуи башхаладан къысхаракъ нек болганын аныгалта, ол «рекордланы ызларын» дан киши къуууп турмайды», дегенди. «Бек башы - аны магъаналылыгыды, соруула, кёторалгени темала да бек кеп эдиле», - деп эсертгенди. Ызы бла пресс-конференция «терк да, кыйыматлы да ётгенди», - деп къошханды.

Басмагъа **ТЕКУЛАНЫ Хауа** хазырлагъанды.

Жыйылыу

**«Жууапха тартмау аманлыкъчылыкъны жангыздан туудурады»**

**КъМР-ни Башчысы Юрий Коков Къабарты-Малкъар Республиканы экономика эм жамауат къоркъуусулукъ жаны бла Советини тохтамай бардырылып туруучу право жаны бла жалчытыу Координация жыйылыуноу бириккен кенгешин бардыргъанды.**

**Аны ишине федеральны араны келечиси, Парламентни эм Правительствоу таматарлы, аюд органланы, право жаны бла сакълау эм кюч структураланы, шахар эм район район администрацияланы башчылары къатышхандыла.**

Анда аслам эс коррупцияга къажуу эм экономикада болгъан аманлыкъчы ишлени, жоллада транспорт бла байламлы чылмыкыны профилактикасына эм республиканы жолларында болгъан авариялада ёлгенлени санын азайтуу соруулага берилгенди.

Жыйылыуа къатышханлага Юрий Коков былай айтханды: «Шёндю халкъла аралы санкцияла кийирилгенде, бюджет къытыкъ къысханда, экономика бла байламлы аманлыкъчы ишле саулай къыралны эм, энчи алып айтханда, бизни республиканы да къоркъуусулукъна чабыуллукъ этгенчады. Санкциядан хата аз келир мурад бла байламлы шарт мадарла да этиледиле. Болсада кризисге къажуу нек къадар кыаты амалланы кийирсек да, ала кыйыматлы боллукъ туююлдоле, къырал ырысханы урларга сыйгелени алларына чек салмасакъ.

Республиканы аллында экономиканы эм социальный сфераны айнытуу бла уллу борчла турадыла. Алаңы жашауда бардырыр ючюн, бек алгъа экономикабызны айнытуун терклендирирге, адамланы да иш кёллюклерин тюрюммеге эм предпринимательлик бла кюрешгенге да чырмаула салмазга керекбиз.

Владимир Путин Федеральны Жыйылыуа этген Понясында контроль эм надзор органланы ишлеринде жангы амалланы хайырландыргъа кереклисин айтханды. Аны тюзюкел келтирейим: «Бизнесге чек салыуу нек къадар аз этерге, керек болмагъан тинтиуени эм надзорну да къояргъа керекди. Хар тинтиу ачыкъ халда бардырылсын. Кюн сайын чырмаулары салып тургъандан ахырда айрылыргъа заман жетгенди. Кеп къыраллада гитче эм орталыкъ бизнес экономиканы мурдоу окъунады». Бу шартла, сёзсюз, Къабарты-Малкъарга да тап келишерди. Алай болгъанлыкыга, предпритияланы ишлерине къарамагъыз деп айтърга жа-

ры баямды. МВД-ны Следствие управлениясына тырман этилричады. Быйылгы жылны 11 айына Прокуратура следствие органа законнга бузукълукъ этген 3321 кезуу ачыкъланганды. Аны бла байламлы кемчиликлени кетерирге 731 тийишли къагыт жарашдырылганды, 363 билдириу къагыт ийилгенди, 346 къуллукъчу жууапха тартылганды, болжалындан эсе кёпге озуп 778 ишге къаралганды.

Кеп уголовны ишлени бардыргъанда, хар зат да тийишлисича тинтилмейди, тюрлю тюрлю сылтаула бла следствие тап къуурылып бардырылмайды.

КъМР-ни Прокуратуруну къуллугъун толтургъан Жеккеланы Аликни, КъМР-де ич ишле министр Сергей Васильевни, РФ-ни Следствие комитетини КъМР-де Следствие управлениясына таматасы Валерий Устовно сёлешулерине тынгылагъандан сора республиканы Башчысы ич ишле эм башха право сакълаучу органлада ишлегенлени араларында коррупцияга къажуу мадарланы кючлерге кереклисин айтханды. Ол ишле муниципалитетлени таматарлы бла экономикада болгъан аманлыкъчы ишлени ачыкълау бла байламлы бирге ишлерге кереклисин да айтханды.

«Осал затланы къурутуу бла байламлы, - дегенди Коков, - хар зат да тергелип этилрге, бардырылган мероприятияла уа кыйыматлы болурга керекдиле. Жууапха тартмау, дегенди КъМР-ни Башчысы, аманлыкъчылыкъны жангыздан туудурады. Былайда кёрюмдюлени ызындан къуугъандан да магъана чыгъарыкъ туююлдо, бек башы - алаңы иги сагъыш этип бардыруула.

Анда сора жыйылыуда республиканы Башчысы аварияланы саны ёсе барганыны юсюнден айтханды. Артыкъда бек аварияланы автоматланыла стажлары 3 жылдан аз болуп жюрютгенине этедиле. Дагыда 26,7 процентге пассажирлени Газелье бла ташыуда аварияла ёсгендиле. Ол кезуилде 7 адам ёлгенди, 51 жаралы болганды.

Кенгеше жоллада къоркъуусулукъну жалчытуу бла байламлы тийишли мадарланы этерге кереклисин айтылганды.

**КъМР-ни Башчысыны бла Правительствоуноу пресс-службасы.**

Дата

**Къоркъуусулукъну жалчытыуда - ал сатырда**

**КъМР-ни Башчысы Юрий Коков Россей Федерацияны къоркъуусулукъну жалчытыу органлада ишлегенлени Кюнине жораланган къууанчы жыйылыуа къатышханды. Ары бу службаны ветеранлары, жаш ишчилери, право сакълаучу органланы эм кюч структураланы таматарлы да чакъырылган эдиле.**

Къууанчы жыйылыуа келгенлени республиканы Башчысы Къабарты-Малкъарны Парламентини эм Правительствоу атындан профессионал байрамлары бла алгъышлагъанды. Не заманда да чекист деген атха уллу хурмет эм сый этилип тургъанды. Кы-

эм служба бла байламлы борчларын тынгылы толтурадыла. Къабарты-Малкъарда къоркъуусулукъну жалчытыуу бла байламлы мадарланы этгенини билебиз эм багъалайбыз. Республика, бир уллу къауға болмай, тынч, ырахатлы озгъан жылны бошай тургъанды да, сизни - Управленианы ишчилерини - кыйынлары барды. Сизни аллыгызда салынган борчла бек уллудула эм тынч туююлдоле.

Ахыры 4-чю бетдеди.





## КЁРМЮЧ

# Жюреклени кьозгъагъан шүёхлукъну шагъатлыкълары

Бу кюнледе КъМР-ни Культура министрствосуну, республиканы Миллет музейини эм Къулийланы Къайсынны аты бла кьуралгъан фондну башламчылыкълары бла поэтни юз-музейинде «Мы пили воду из Чегема...» деген кёрмюч ачылгъанды. Ол Къулийланы Къайсынны бла Алим Кешоковну татлы тенгликлерине, уллу шүёхлукъларына жораланганды.

Проектни аты Кешок улуну нёгерине атап жазгъан «Къулийланы Къайсыннга» деген назмусундан алыннган тизгинди. Анга Никита Джигурда аламак макъам жазгъанды. Кёрмючге келген кьонакъларга бу жыр бла тубегендиле.

- Къазауатны букъусу чёге тебиреген кезиуледе бизни экибизни да кёзюбюзге таула бла аталарыбызны арбазларында саргъала тургъан чёплеу башла кёрюнючю эдиле. Ызы бла мамырлыкъда кьаллай китапла жазарыгъыбызны юсюнден сагъышлангъанбыз. Адам кьатындагъыны акъылын къыйын кезиуде туура анылайды дейдиле, биз а Алим бла кьыралыбызны кьара кюнлеринде бирге болгъанбыз. Мен аны бирсиледен эсе иги таныйма, - дегенди 1957 жылда кьалам кьарындашыны юсюнден Къулий улу.

Кёрмючде эки чынтты нёгерни суратлагъан Константин Половицкийни, Юрий Скориковну, Илья Давыдовну, Михаил Тхакумашевни, Къулийланы Азаматны, Геннадий Темиркановну живопислерин бла скульптураларын кёрюрге боллукъду. Ала бла бирге Чегем ауузуна тамаша табийгъатын ачык-



лагъан Николай Трындык бла Светлана Кузнецованы чыгъармалары проектге энчи жылы береди. Аладан бирлери ара библиотеканы фондундан, Суратлау искусстволаны бла Къулийланы Къайсынны музейлерини галереяларындан, бирсилери уа, художниклени энчи коллекцияларындан алыннган ишледиле.

Къулийланы юйюрлеринде сакълангъан адабият-документли материалла да бардыла мында. Аланы араларында эски суратла бла газетле, письмола, китапла. Алим Къайсыннга

саугъалагъан назму жыйымдыкълардан биринде уа поэтни кьолу бла жазылгъан бу тизгинлерин окъуйбуз: «Къулийланы Къайсыннга! Сен Чегем ауузунда жаратылгъынчы, Элбрусну эки тёппеси бар эди, энди уа ала юч болгъандыла. Алим Кешоков. 1959 ж.»

Ала экиси да юйюрлери бла шүёхлукъ жюрютгендиле. Къайсын жашына Алим деп нёгерини хурметин кёрип атагъанын, ала хар байрам бла бир бирлерин жылы алгъышламай кьоймагъанларын да билебиз. Къулий улу Кешокланы юй-

лерин терк-терк жокълагъанды. Анда тубеген мелхумлукъ бла кьонакъларлыкълар аны жюрегине жетип, ол «Поэтни юй бийчесине» деген назмусун да жазгъанды.

Кёрмючде Къулийланы Къайсынны кьалам кьарындашыны чыгъармачылыкъларыны юсюнден публицистикасы, аланы бир бирлерине жоралаулары да тапхандыла жерлерин. Малкъар халкъны ийнакълары дуняясы алышындыргъаныны аллында «Алим Кешоковха. Больничадан письмо» деп жазгъаны уа, сёзсюз, кёллени кёллерине жетеди.

Заки ауушхандан сора да поэтлени араларында шүёхлукъ унутулуп кьалмагъанына 1987 жылда Къулий улу Мемориал юй-музейи ачылгъан кюнде Алим Кешоков «Отзыла китабында», биринчи болуп бу тизгинлени жазгъаны да шагъатлыкълары: «Бюгюн тауусу болмазлыкълары биринчи бети ачылгъанды. Битедуняя жолла поэтлики таркыймагъан илхамы сакълангъан бу сейир юйге келтиредиле.

Мында от жазга бир заманда да суурукъ тойюлдо, аны жарыгъында хар бирибизни да жылыныр, шүёхубузну учунулагъа чакъыргъан ёнюн эшитир онгубуз барды. Аны атын ёмюрледе сакълар ючюн, кючлерин-кьаруларын аймагъанлагъа жюрегимден ыспас этеме. А. Кешоков». Арта, жылла озгъандан сора да, унутмагъанды ол шүёхуну юйюне элтген жарыкълар жолу...

Кёрмюч культура арада жыйырма алтынчы декабрьге дерти турлукъду. Сорулары болгъанла бу телефон номерге сёлешсинле: 8-903-491-18-81.

ЖАНГОРЗАЛЫН Нажабат.

## ЮБИЛЕЙ

## Бийик фахмулулукъ бла сейирлик илхам

Быйыл СССР-ни Жазуучуларыны союзуну члени, КъМР-ни халкъ поэти Зубер Тхагазитовха 80 жыл толгъанды. Аны китапларын кьолуна алгъан окъуучу биринчи назмуларында, артада жазылгъан терен магъаналы эпикасында да бир сейир илхам бла бийик фахмулулукъну эслемей кьоймайды. Бюгюнлюкде да ол тутхан ишине толусунлай жюреги бла берилип, кертиликни поэзияны болушлугъу бла баямлагъанны жашаууну баш борчуна санагъанлай келеди.

- Зубер Тхагазитовну сабыр сёзю, тынч хали бла бирге поэзиясыны ачыкълыгъын белгилерге тийишлиди. Аны назмулары терен магъаналыдыла, бюгоннюгъу жашауну белгисидиле. Алада мен тынгысыз излемлени бла уллу фахмулулукъну ышанларын кёремде, - дегенди Къулийланы Къайсын, кичи кьалам кьарындашыны юсюнден оюмун айта. Поэтни чыгъармачылыкълары жолун тинтген кесаматчыла жазуучуну бай тилин, метафора амалны уста хайырлана билгенди, дунягъа энчи кёз кьарамы болгъанын, аны бла бирге адамлыкълар шартларын да белгилемей кьоймайдыла.

Чыгъармачылыкълары жолун 1960 жылда «Таугъа чыгъама» деген назму жыйымдыгъындан башлап, бюгонлюкде жыйырмадан артык китапны авторду. Ол заманлы барыуун, тюрлюкюню башхаладан эсе иги сезип, аны аллында поэтни уллу жууапплыгъын тюз анылагъанладанды. Тхагазитов чыгъармачылыкъларында ёз миллетини адет-тёрелерине, фольклоруна, тарыхына уллу кёллю тойюлдо. Алай аны бла бирге бирси халкъланы адамларына, маданиятларына да хурмет эте биледи, алагъа атап, жарыкълар жоралаула да жазады.



Поэт нени юсюнден айтса да, ёз жерини айбатлыгъы, халкъны урушда кёрюзтген батырлыгъы, табийгъат, сиймеклик болсун, ол алада адамны жашауда сыйлы борчуна, жууапплыгъына эсин бурады. Назмуучуну чыгъармачылыкъларында поэт бла поэзияны темасы да тапханды жерин. Бу тизгинде Ата журтха сиймеклик, кертичилик, аланы багъалауун бардыргъан поэтни кёз кьарамлары бла кьаты байламлыкъларда белгилендиле.

Жер башында туугъан журтуну тауларыны бла кьаяларыны бийикликлерини, сууларыны тазалыкъларыны, тюзлерини кьыйырсызлыкъларыны юсюнден жазмагъан поэт не хазна табылсын. Зубер Тхагазитовну лирикасы да бу жаны бла айырмалыды. Авторгъа

ёз жери ол кьуру тамаша табийгъат тойюлдо, мында жашагъан адамладыла, аланы харкюнлюк жумушлары, иш кёллюкълери, жашауа ачык кёз кьарамлары бла. Ёз жерини юсюнден жазгъан чыгъармалары сейирдиле, аланы поэтика сыфатлары да аламадыла. Сёз ючюн, «Ата журтуму жыры», «Жер бла кёк», «Бирде манга жер адамча кёрюнеди», «Жерни бети» дегенчалда биз аны гражданин, патриот ёнюн эшитибиз, ёхтемленгеннин анылайбыз.

Поэт кьыйын уруш заманланы юсюнден да кёп жазады. «Жер бла кёк» деген назму жыйымдыгъында автор битеу фахмусуну кючюн салып, ачык сёз бла ол кьужурлукъларга багъа береди. Андан бери жылла озгъанлыкълар, жазуучугъа сермешлени ачы тауушлары, топланы атылгъанлары энта да эшитилингенлей турадыла, жюрегине сыйынмай, кьагъатха терен магъаналы, мудах сагъышлы назму тизгинле болуп тошедиле.

Чыгъармачыны сиймеклик лирикасыны женгилигин, музыкалыкъларында белгилерге керекди. Бу жаны бла жазылгъан биринчи назмулары окъуна литературабызда энчи тили, чыгъармачылыкълар амалла бла уста хайырлана билген поэт чыгъаныны белгиси эдиле. Аланы жигитлери сезимлерине кертичи, намыслы, ётюрюксюз болгъанлары бла жетедиле окъуучуну кёлюне. Быланы бирлери жарыкълар, насыплы сиймекликни юсюндендиле, бирсилеринде уа тынгысызлыкълар, жарсыр, жюрек инжилу да анылагъынады.

Аны алайлыгъына биз «Жаз башыны зынгырдау таууш», «Санга барам» эм башха жыйымдыкъларга киргенлени окъуй келе тюшюнебиз. Бу циклына на-

змуларына атлары айтылгъан композиторла макъамла жазгъанларындан сора ала белгилли жырлача бусагъатда да халкъ ауузуна жюрюйдюле. Сёз ючюн, «Алтын бал чибинле», «Сен мени азымса», «Къыз бла жаз башы» эм бирсиле.

Кьабартылы жазуучуну чыгъармачылыкъларында уллу жерини интернационал тематика да алады. Кьыралыбызны шахарларына жолоучулукълар, кьоншу халкъланы адабиятчылары бла тюбешиуле эмда шүёхлукълар кёз кьарамларыны кенглигине себеплик этгендиле.

Алай бла Россейге, Гуржюге, Латвиягъа эм башха жерлеге атап жазгъан магъаналы чыгъармалары алгъаракълар заманлада адамланы араларында жылыну юсюнден бюгоннюгъу окъуучугъа хапарлайдыла. Аны поэзиясы малкъар, абхаз, азербайджан, арап, кьазакълар, кьыргыз, чечен эм башха тилге кёчюрюлгенди. Поэт кеси да ана тилине Мечлинге Кязимни, Къулийланы Къайсынны, Зумакулланы Танзиляны назмулары бек иги кёчюргенди.

Кесаматчыла, кьалам кьарындашылары да Зубер Тхагазитовну поэтика сёзюне айырмалы устасына санаидыла. «Тохтамай излемни жолу бла баргъан, тынгысыз инсан, ол неден да бийикке жашауну, кертичиликни, сабырлыкъларны эм сиймекликни салады. Ачыкълар болмаулукълар, эки магъаналылыкълар аны жюрегине сыйынмайды», - дегенди назмуучуну чыгъармачылыкъларыны юсюнден Валентин Кузьмин.

Биз да, ол акъыл бла келишип, Зубер Мухамедовични юбилейи бла алгъышлайбыз. Андан да бийик жетишимле тежейбиз.

КЪАЛАБЕКЛАНЫ Нажабат.



## Ыспаснау

**Усталыклары,  
адепликтери да болушканды**

Бурунгулу акылман Авиценна врачны кезлери илячиникилеча, кьоллары кызынкылача, актыллыгы жыланчыча, жюреги уа арсланныча болурга керекдиле деп, алай айтхан эди. Аны ол сзлерин бююнлюкде да кеп докторлагга жораларга боллукду. Мен хапарларын айтырыкыла да ма аллайдыла.

Бир ай мындан алгга мени эгчим, эрттенликде ишге хазырлана турганлай, тапкаладан жыгылып, артыкда башын бек ачытханды. Аны Республикалы клиника больницагга жетдиредиле да, анда уа анга терк окуна томография этип, операциясыз болмазлыгын айтадыла. Аны нейрохирург Моргоев Георгий Кимович бардырады. Ма аны хайырындан ол сау кьалганды.

Аны адамлыгыны, усталыгыны юсюндөн да бу больницада ишлегенле айтып таусалмайдыла. Артта уа анга кесибиз да тюшонгенбиз. Ол палатагга ышармай кирмегенди, хар саусузга энчи кезден кьараганды, аны келлендирича сзэле табалганды.

Биз энди хали игиге айланган

эгчибизни, Кьюлийланы Люданы жууклары бла ахлары Георгий Моргоевге, андан сора, реанимацияны таматасы Георгиланы Лилиягга, нейрохирургия бөлүмге башчылык этген Ибрагим Саид Галебге, тамата медсестра Лариса Сруковагга, палата медсестрала Сусанна Вороковагга, Юсуббова Садат Лазы-кыызгга, Лена Шомаховагга, процедура медсестрала Кючменланы Лианагга бла Оксана Шхашемиевагга, дежурный Зера Керевовагга, медбрат Тахир Кертбиевге жюрек ырадиле да, анда уа анга терк окуна томография этип, операциясыз болмазлыгын айтадыла. Аны нейрохирург Моргоев Георгий Кимович бардырады. Ма аны хайырындан ол сау кьалганды.

Республикалы клиника больницаны нейрохирургия бөлүмюндө урунганланы барысына да ыспас эте, аланы келе турган Жангы жыл бла алгышлайыбыз, кийик саулук, узак ёмюр, юйюр насып тежейбиз. Ишигизден кьууаныгызыз, жашауугуз ырахатлы болганлай турсун!

КЪУЛИЙЛАНЫ ЮЙЮР.

**18-чи декабрьден башлап 24-сүене деру кезиуде саулукгга осал кюнле**

**20-чы** (бек кыйын сагъатла 20.00-22.00) - остеохондроз, радикулит кьозгалыргга, седалищный нерв, жан сиекле ауурга боллукдула. Бауур, аяклары кьан тамырлары да кеслерин сздирикдиле. Ашны айыртлагызыз, сууук болмазгга кюрешигиз, ауур кетюрмегиз, инфекцияладан кесигизни саклагызыз, аякларыгызызга ауурлук жетдирмегиз.

**22-чи** (бек кыйын сагъатла 06.00-08.00) - атмосфераны кысымы эмда температурасы тюрленирге боллукдула. Имунитет кьарысуз болуп, эрттенден келген ауруула кьозгалыргга деген кьоркьуу барды. Ауур кетюрмегиз, сууук болмазгга, кесигизни ачытмазгга кюрешигиз, транспортта барганыгызызда, жолда жюргенигизде да бек сак болугуз.

**23-чю** (бек кыйын сагъатла 07.00-09.00) - аякларыгызыз, бутларыгызыз, тишлеригиз эмда теригиз да ауурга боллукдула. Эндокринный эм гормональный халигиз тюрленирге кьоркьуу барды. Ашдан ууларыча кезиудю. Сууук болмазгга, ауур кетюрмегге кюрешигиз, ишеклик туудурган продуктланы ашамагызыз.

Татьяна ДУБКОВА.

Тегерекде кьудуретни халин дайым да билип туруу эмда геофизика прогносла этиу жаны бла ара.

**ПРИЁМГГА АЛЫУ****Прокурор тарыгыулагга тынгыларыкды**

КьМР-ни прокуратурасыны РФ-ни Следствие комитетини органларында аманлык ишлени тинтиуге контроль тындыргган жаны бла бөлүмню таматасы Мызыланы Магомет прием этерикди.

Алай бла жарсыулары болггана **23-чю декабрьде 12.00 сагъатдан 16.00-гга деру** Чегем

районну прокуратурасына келирге боллукдула. Аны адреси: **Чегем шахар, Кяров атлы орам, 95-чи номерли юй.**

**25-чи декабрьде** уа Мызы улу Бахсан шахарны прокуратурасында (аны адреси Бахсан шахар, Дугужев атлы орам, 1-чи номерли мекам) тобешу бардырыкды.

**Конкурс****«Заман» газетни - хар таулу юйюрге****Жоруклары**

Ана тилибизде чыккган газетни редакциясы «Жазылуу-2015» деген конкурс бардырады. Аны мураты - «Заманны» окуучуларын кёбейттиудю, анга себеплик этерге кюрешгенлени тирилтиудю, келлерин кетюрюудю. Конкурса кьатышыргга шахар, район управленилада, почта связны битеу бөлүмлеринде урунганла, почталыонла да чакырыладыла.

**Номинациясы**

Номинация - «Заманга» жазылганланы санын кёбейтиу». Окуучулары кьошулулары 2014 жылны экинчи жарымыны

кёрюмдюрлери бла тенгешдирилип тохтастырылды.

**Итогла чыгарыу**

Конкурсну итоглары жазылуу кампания бошалггандан сора 2015 жылны аллында чыгарыладыла эмда газетде басмаланадыла.

**Хорлаганлагга сауггала**

Сауггаланлык беш жер тохтастырылады.

1-чи жер ючюн - 6000 сом

2-чи жер ючюн - 5000 сом

3-чю жер ючюн - 4000 сом

4-чю жер ючюн - 3000 сом

5-чи жер ючюн - 2000 сом

**Жазылыгызыз! Бу тапды!**

Федеральное государственное унитарное предприятие «ПОЧТА РОССИИ» Ф СП - 1

Бланк заказа периодических изданий

**АБОНЕМЕНТ** На газету  
**ЗАМАН**

(наименование издания)

(индекс издания)

Количество комплектов

На 20\_\_ год по месяцам

1	2	3	4	5	6	7	8	9	10
---	---	---	---	---	---	---	---	---	----

Куда

(индекс издания)

(адрес)

Кому

Линия отреза

пв место литер

**ДОСТАВОЧНАЯ КАРТОЧКА**

(индекс издания)

На газету

**ЗАМАН**

(наименование издания)

Ст о и м о с т ь	подписки	руб.	коп.	Кол-во к о м - плектов
	каталожная	руб.	коп.	
	переадресовки	руб.	коп.	

На 20\_\_ год по месяцам

1	2	3	4	5	6	7	8	9	10
---	---	---	---	---	---	---	---	---	----

индекс издания	район	
код улицы	улица	
дом	юрт	квартира

город

село

область

Фамилия И.О.

**Фестиваль****Кьобузчула эриширикдиле**

КьМР-ни Культура министерствосу Нальчкни жамауатын, аны кьонакларын да республикалы даражада бардырылган миллет кьобузду сокьганланы фестиваль-эришулерине чакырады. Анда белгили, энди атларын айтдыра башлаган музыкантланы сокьганларына да тынгылар онг боллукду.

Концерт **24-чю декабрьде** Кьырал концерт залда **18 сагъат 30 минутда** башланырыкды.

Соруулары болганла бу телефон номерле бла селешинле: **44-22-10; 40-31-49**  
**Хош келигиз!**

Учредитель: Кьабарты-Малкьар Республиканы Парламенти бла Правительствоу

**Баш редактор  
АТТАЛАНЫ ЖАМАЛ****РЕДКОЛЛЕГИЯ:**

БЕШПАЙЛАНЫ Муталип (баш редактору орунбасары)  
КЪОНАКЪЛАНЫ Хасан (баш редактору орунбасары)  
ТОКЪЛУЛАНЫ Борис (жууаплы секретарь)  
ТЕКУЛАНЫ Хауа (жамауат-политика бөлүмню таматасы)  
САРАККУЛАНЫ Асият (культура бөлүмню таматасы)

**ТЕЛЕФОНЛА:**

Редактору приёмный - 42-63-01. Баш редактору орунбасарлары - 42-38-21, 40-04-82. Жууаплы секретарь - 42-66-85. Секретариат - 40-93-62. Корректорла - 42-63-52.

Газет Басманы эм асламлы информацияны эркиндиклерин кьоруулау жаны бла Кьабарты-Малкьар регион инспекцияда 1994 жылда 14-чю июнда регистрация этилгенди.

Регистрация номер —Н—0066. Индекс - 51532

Газетни басмагга КьМР-ни Басма эмда асламлы коммуникация жаны бла кьырал комитетини компьютер службасы хазыр этгенди.

Газет "Тетраграф" ООО-ну типографиясында басмаланганды. Нальчик шахар, Ленин атлы проспект, 33

Номерге графикте кере 19.00 сагъатда кьол салынады. 20.00 сагъатда кьол салынганды

**ГАЗЕТНИ НОМЕРИН  
ЧЫГАРГАНЛА:**

Кульчаланы Зульфия-дежурный редактор;  
Кетенчиланы Зульфия - жууаплы секретары орунбасары;  
Акушуланы Феруза - (1.2.3.4-чю бетле),  
Зезаланы Лида - (5.6.7.8-чи бетле) - корректорла.  
Тиражы 2130 экз. Заказ № 2464

РЕДАКЦИЈНЫ ЭМ ИЗДАТЕЛЬНИ АДРЕСИ:



360000, Нальчик шахар,  
Ленин атлы проспект, 5  
электронный почтасы:  
elbor\_50@mail.ru